

淮海英靈續集

淮海英靈續集

鄉人阮亨輯

李光國

字定齋興化貢生乾隆丙辰薦舉博學鴻詞

詠史

春秋號博物吳札鄭國僑一百四十年屈指亦寥寥後世盛
文采普天產英豪胸羅瑯環富下筆傾波濤駝裝走都令多
似九牛毛乃知古無書諺云秦火燒太冲真純漢十載空推
敲

司馬緩巾幘用柔以制剛可憐沓沓夫緣斯學包荒好官自
爲之千年藝瓣香寄語長樂老笑罵豈尋常春秋重斧鉞庖
丁善刀藏爾樂身名泰安富壽且康新臺刺燕婉不爲倚門
娼

朱宗大

字直方寶應諸生舉孝廉方正王又村云直方傳恭亭之家學得慕韓之師承沈文懸序其壽藤集

調格律高整風神綿遠冲和似左
司校潔如子厚餘亦類大歷十子

寄懷衣閨

美人渺天末嘉會良無期聚時弗覺歡別來方苦悲秋空露
凝袂夕軒風切肌其心生遠聽臨月軫前思

江上寄毘陵楊孝廉

海嶽樓邊秋月輪瓜洲城外水粼粼一聲南雁三更笛何處
青山是故人

明月高樓烏夜飛夢回霜氣入重帷錦衾自暖那能覆人在
天涯當授衣

秋夕懷劉又徐

窮巷少來轍索居唯掩扉涼生幽院早荒陲暝烟微芳序今
又暮故人猶未歸無因展良覲惻惻佇音徽

秣陵秋夕有懷

昔共秦淮客，春風蕩畫橈。今來板橋畔，落葉滿寒潮。茂序何超忽，歡娛悵寂寥。徘徊明月下，空度可憐宵。

徐寅亮

字亦陶，號直生。又號筠莊。元惠弟。乾隆己未進士。官山東道監察御史。張寄槎云：筠莊在諫垣，條奏

皆裨民生。國計如言河工，欲取王母山石作碎石，且坡其一也。

幽居卽事

連朝零雨透處處，疊萼苔盆試新栽。藕瓶抽舊插梅卻逢村釀熟，正好故人來。聊復樂終日，何妨笑口開。

將之都門留別鶴山卽送其歸里

江上歸帆起暮陰，幾回絮語動沉吟。文章千古名山事，燈火三冬舊雨心。南國已憐烟水濶，朔方況隔雪霜深。送君饒得君相送，此際離觴且共斟。

劉世讜字步辛號餘齋寶應人乾隆辛酉舉人孝廉精易理多所發明與王白水希伊倡同善會以德望著

同人過縱棹園懷沛餘

今日碧溪水依然漲白蘋可憐庭畔樹曾伴苦吟身沛餘會讀書園

中泉下無消息平生幾故人行行懷往事相對欲沾巾

寄四弟靖江

老去逾知兄弟好歸來方信別離難淮南今夜明明月倚徧

高樓十二欄

劉世謨字仿魏號夢野世讜弟貢生官靖江訓導舉孝廉方正辭不就

暮春感懷

謝客經旬春已闌老人遲起畏朝寒齒稀但覺魚蔬好腳軟
方知拜跪難小飲數杯偏易醉垂簾竟日轉忘安何時更逐
東風裏柳綠桃紅放眼看

王文泗

字東山號榕臺儀徵諸生嗣父國珍乾隆辛酉舉人

泗幼聰穎未成童卽受知彭文勤錢撫棠侍郎歲試擬充選貢科考

文泗已故士論惜之

古渡橋同眉生晚步

疎柳長堤上晚潮詩情偏愛景蕭蕭城南一角秋如許落日西風古渡橋

程基

字奉源號浚香江都人著雅存小草姚立堂云浚香詩於溫柔敦厚之中寓窮愁抑鬱之致遇爲之

也

贈年瘦生

富貴浮名耳將軍幸有孫風塵餘寶劍涕淚掩柴門畫賣青山賤名成白髮尊相逢惟飲酒往事不須論

甲午除夕懷全椒汪草亭

又是一年盡人忙我獨閒飢寒累妻子風雪夢關山有客招

不得故園欣早還相違無好況莫怪寄書慳

張

馨

字秋芷臨潼籍江都人乾隆甲子本省解元乙丑進上官編修改御史與其弟松坪太史同舉於鄉

翰林時目爲雙璧假歸不復出築十畝園延接名流如王梅泚金壽門秦西巖諸公絃詩門酒殆無虛日其侄孫步渠侍御占籍江都惜詩稿散佚僅就詩徵錄入

臨潼秋色

何處高秋色新豐領上頭驪山排樹出潼水繞城流霜肅風應歛雲橫寺欲浮江南無此境鄉思遠悠悠

方汝謙

字牧園通州人乾隆丁丑科進士官高安知縣著白雲山樵詩

秋砧

涼風飄木葉之子歎何深不共閨中月難爲塞上心數行傳遠雁雙淚落清砧試向空林聽淒淒一片音

秋懷

霜砧淩絮欲寒天，願我無衣一惘然。
鄉思半添蕉雨後，宦情先冷菊花前。
閉門種菜悲今日，結客登場憶往年。
到底劉平終倔强，逢人羞說辦裝錢。

黃國豫

字斯莚，號樾艇，一號秋巖。如皋貢生，官揚州府訓導。

擬登攝山未果

烟外棲霞近，捫蘿興轉濃。
擬從千佛嶺，一問六朝松。
古殿供香茗，疎林過晚鐘。
徘徊大江夕，幽夢落高峰。

史克繹

字常武，江都諸生，著扣角集。

送賴說巖

一唱騷歌一黯然，河橋弱柳不堪牽。
塵昏敗驛朝嘶馬，月照孤篷夜聽鶉。
林外已無金彈落，壁間惟有玉簫懸。
鶯花三月揚州好，還趁西江下瀨船。

任基振

字領從立已孫乾隆己丑進士官吏部員外崇祀鄉賢著爾雅補箋訂正玉海松齋集蒲褐山房詩

話云松齋少以詩古文名通六書官京師僦居蕭寺每自署歸杜門謝客忍餓研經清苦之况人所不堪時論之高之

山陰道中

晉代風流溯剡溪千年遺跡草萋萋綠楊城郭殘烟裏只有

黃鶯盡日啼

方椿齡

字鏡莊一字蒨樓儀徵諸生蒨樓詩雖未見全集王少休稱其日事吟咏頗窺古人堂奧如村荒厖

吹月亭靜鳥依人林空涼見鳥雲靜不知霜皆佳句也

白下贈朱葦衣

交盡知名士風流處處標才多雙眼白吟苦一肩高劍與身偕隱詩兼酒自豪可憐惟弱女相伴住江皋

吳本錫

字汝蕃號舊浦甘泉人乾隆丁卯舉人官潁州府教授選馬平縣知縣著松下清齋集廖大閭云舊

蒲詩於沉着處見精采於高淡處見丰神所謂天半朱霞雲中白鶴非凡品也

黃河渡口晚泊

漸喜鄉關近誰憐儒術疎風塵淹此夕松菊憶吾廬流水難成夢浮雲莫寄書升沉二三子回首渡河初

古意

妾心如荷葉郎心葉上露殷勤相捧持旋轉不得住

陳

松

字本長號石橋如舉人乾隆丁卯舉人官浣江知縣著厯巖山人集

東臯竹枝詞

三月垂楊踈地長尋春歌管醉春塘兒郎生小憐風雅愛說當年冒辟疆

喬大椿

字仙圃號損山寶應人乾隆丙子舉人官知州

舟過采石望太白樓

絕壁枕江樓蒼茫湖勝遊潮聲寒向夕石氣翠橫秋明月一樽酒長風萬里舟斯人不可見鼓柁迴含愁

姚修珩

字曉嵐寶應人與陶義人劉鹿沙喬竹湄相安宜四子

伴山堂

春色晴愈好幽居到處同竹遮穿戶月花捲撲簾風碎語翻新燕游絲挂小蟲倚欄心欲醉取次入詩筒

高本立

字含書江都人

陳滄洲先生出瘞鶴銘於江中賦呈

瘞鶴名山定是仙銘題峭壁知何年一朝轟墜不獲見遊人到此心茫然先生信是補天手憑虛奪自蛟龍口臨江築亭嵌苔壁斯銘應並雙峰壽

余

瀛字豐唐號問航嚴徵人乾隆甲戌進士官深澤知縣王小村云問航有境詩一帙其座主陳相國世

宿所
序也

客夜

遊子天涯魂惹親枕上夢魂夢各參差江湖夜迎送安得舊
飛歸笑看含飴弄

王

翊字景宸號瓊園甘泉人乾隆戊辰進士官戶部員外郎叔啟心字築巖號留耕有送景宸句云碧雲

遠岫關心切芳草空
堂入夢來一時稱之

留別友人

客中常閉戶偶出卽君家獨闢羊生徑頻烹蠨眼茶幾年勞
地主分手各天涯何日能相憶寒梅正着花

王聖

字我旋
江都人

宿木盧寺

古寺圍黃葉行人度白雲殿空禽自集山迴鹿呼羣煮茗同

僧話攜柑與客分吁嗟雙倦翮日日望榆枌

丁

觀字孚若儀徵人貢生

爲漱亭弟題采蘭圖

崇蘭有異姿空山負高格春風散幽香曉露凝叢碧歲寒結同心不渝似金石東皇競桃李灼灼艷郊陌我來擷孤芳清氣生几席入室亦已久俱化兩無逆臭味旣云同欣然樂晨夕悠悠世上人誰是親賢客

汪其純

字杜參號小函甘泉人歙縣籍乾隆丙子舉人于鼎臣孫著小函吟稿

望棲霞

昔年曾向山中住蒼茫猶記山中趣飛泉高瀉嶺頭雲疎鐘遙度巖前樹今朝山眼爲誰青一峰縹緲隔江明波濤萬頃不得渡日落相思空復情

汪

韶字師虞號槩山江都人
歙縣諸生著潔華樓草

阮溪看桃花

一望如霞綺斜陽色更深閒看流水路自有入林心幽鳥多
相識漁人不可尋只應拚酩酊日日短長吟

侍

朝字補堂高郵人乾隆庚辰進士補
堂遂於經史一時學人尊爲名儒

贈官節溪

百卉霏香早松筠獨後期短還嫌舞袖妬不恨娥眉溪水環
村繞江帆隔浦移方期策筇杖信足問瑤芝

俞大謨

字安國號耦生江都貢生耦生
少時與王夢樓同有才士之目

過斗門

細雨颼風過斗門最難消遣最銷魂空潭白水溪千尺野店
危橋又一邨晚稻未收秋氣緩柔桑密布古風存此間景物

揚州少底事南轅作北轅

劉芳

字湘南泰州貢生早歲喪親無嗣讀書安定講院五十餘年卒於講院中張春洲李南阿同殯之

咏史

子房本爲韓報仇那用人間萬戶侯儒者不言黃石事高人
只愛赤松遊浮雲富貴原如此辟穀神仙有異不三傑同稱
不同調弓藏鳥盡未曾休

汪佳俊

字傑士號碧峯江都監生業畫養母著松筠軒詩劄

和宮霜橋虹橋柳枝詞

東風蕩漾赤欄橋半拂輪蹄半畫橈十里柔情吹不斷縱無
人別也魂銷

日暮山行

落日亂峰西長林宿鳥啼草荒留虎跡鐘響識僧栖流水曲

歸澗野花香過溪遲迴未能去前路白雲迷

錢高卿

東臺諸生

蟬

爭鳴古調如琴瑟絕不依人韻自流一片碧雲高柳岸幾家黃葉夕陽樓爲誰嚙啐千聲急使我蕭蕭兩鬢秋太息知音渺何處苦吟終日獨含愁

王嵩高

字少林寶應人乾隆癸未進士官慶遠知府王村云少林詩守家學大梁懷古隨園詩話稱之著

小樓材集

晚行

迢迢楚山外香靄疎林暉却望下山路人家方掩扉日夕烟鳥散近村樵牧歸誰念旅遊者行行歌式微

大梁懷古

搖落偏驚旅客魂，秋風回首眺中原。
三花樹色開神岳，萬里河聲下孟門。
形勝鬱蟠終古在，英雄慷慨幾人存。
信陵策士俱黃土，獨有侯生解報恩。

沈業富

字方穀號既堂高郵人乾隆丙戌進士官至河東鹽運使蒲樹山房詩話云君性情醇厚篤於友朋

武進黃仲則過河東留之賓館病中哀其諸作抄錄成編俾無遺佚又鳳峪有北齊所刻華嚴經爲竹垞太史求而未得者君遣工入山摹搨得一百二十餘紙貽予於西安蓋好事如此

清流關

到來絕頂衆峯齊，百里巖關萬仞梯。
牛背遠浮新漲滿，馬蹄平踏亂雲低。
干戈宋代空殘壘，文采歐陽感舊題。
記得醉翁亭上坐，十年陳跡久淒迷。

渡河

霜鬢添來此日多，漫將心事記烟蘿。
疎星曙色分嶠嶺，落日

西風湧大河春到傳巖應作雨津開茅澗自橫波吳歛忽起
鄉關思彷彿離筵一曲歌

林

李

字鐵簫如臯布衣王豫荻汀錄云布衣有古鐵簫能吹變商變徵之音因以自號時吳門有陸鐵簫能詩工畫稱爲兩鐵簫

吳梅原招飲

勞人如斷梗舊友似黃花雨歇郊原暮堂虛燭影斜半生頻
作客十載幾還家氣誼貧交在相看感歲華

黃

振

字舒安號漱石如臯監生著漱石詩鈔

送蘿村歸京口

且復停杯酒河梁日已斜春風迴白雁秋雨約黃花濯濯長
堤柳鳴鳴古戍笳加餐須努力往事莫興嗟

姜復基

字敬輿號介亭如臯諸生著聽雲館集

舟泊長溝

回望濃雲合依稀日影微平沙孤鳥沒古寺一僧歸此地逢
迎少頻年心事違一尊何處覓水際欸柴扉

姜履基

字禮門號卓亭諸生
介亭弟著問經集

泊燕子磯

日暮扁舟泊剛臨燕子磯月明春樹白火近夜漁歸六代遺
芳草孤雲出翠微明朝携酒上詩興莫相違

陸

端

字正夫歸安人儀徵籍玉屏長子乾隆己卯舉人
官太平縣訓導著嘉樹軒集玉屏今真州多惠政

士民思其遺澤留正夫居祠
側并請入籍以志甘棠之愛

遠行

朔風入獵獵有子謀遠行寧不畏寒苦高堂無旨羹負笈將
出門牽衣問歸程欲別不忍別城角多悲聲

冬日還山莊

司馬風流舊有庄

六世祖
穩別業

文章重集碧山堂昔年華屋今何

在黃葉西風下夕陽

春暮登臺

閑愁何地遣豁目上平臺雨過山層出春殘花亂開潮侵沙
岬失帆載夕陽來賓主騰懽處相將酒百杯

月夜渡江

桂花香露濕征衣倚棹回看燕子磯蘆荻蕭蕭聲不斷滿江
明月一船歸

汀行

南風吹夏五海燕育新雛爲子不謀養頻年長在途攬衣憐
線密扶杖想身孤日已西山薄還堪涉遠無

晚風泊小港入郭買鱖魚野曠山容壯江深夜氣虛城頭悲
畫角篷底掩殘書星月明如此窺人愧髮疎

陸昌祺

字受之儀徵諸生端姪盟鷗淑偶筆云受之有聽
到鄉音抵暫歸之句與任子田小坐強於去後書

同一

真率

寄江上友人

我是江鄉舊酒徒幾年落拓醉黃壺
誰辨鼠憐才士祇恐雕蟲愧壯夫
鷗盟有心秋月好雀飛無伴晚雲孤
遙思買棹城南去紅樹斜陽盡畫圖

睡起憎騰獨倚闌小樓吟罷暮光寒
詩能避俗原非易貧到離鄉分外難
白眼同餘狂士態青山常作故人看
芙蓉花老江聲冷更把珊瑚拂釣竿

春日述懷

綠雲孤館坐來清
草色初勻喜乍晴
春到一年仍作客
花開三月始聞鶯
愁懷對酒猶難遣
病眼看書總未明
剛欲劈箋成小詠
晚鐘風送寺樓聲

宿河西隱

秋原維古棹
秋色慘征顏
黃葉下高樹
天風吹遠山
浮雲亦已散
飛鳥相與還
野市隔林鳴
蒼蒼烟靄間

馬子政

號烟嵐江都翠屏洲人少從張石帆游年三十忽得菊於殘處見精神之句以告王柳村柳村曰詩固妙然君年不永矣又吳樸莊有鶯到垂楊不惜聲之句柳村以爲不祥兩君後果卒時謂柳村能以詩定修短云

過王柳村種竹軒

我家斜川北
相去僅尺咫
閑從竹徑來
論心喜吾子
開軒盡碧雲
夕照淡春水
語君讀古書
老莊深可鄙
所言入虛誕一

身棄倫理卓哉有孟韓一柱中流砥時柳村誦老莊故及之卽如詩詞

未須敦三百旨蔽以思無邪聖言足法矣

詹元杏

字午橋甘泉諸生精岐黃

題阮仲嘉珠湖漁隱圖

披蓑領略草堂幽十頃銀波夾鏡流叢話瀛舟添幾卷一篷

烟雨滿湖秋

鮑

城字匡齋號竹門儀徵人孫慶榮慶壽皆諸生卒年八十四

冬夜燈下

萬籟此時靜一燈寒照余人隨清影淡心抱冷光虛霜月潔

當漏夜鐘疎到廬回思舊日事對爾尙踟躕

宮履基

字應乾號坦菴泰州人乾隆庚辰舉人官常山縣著素軒詩集

題節溪兄蕪葭秋水圖

春雨盪湖波先人此小住披圖一洒然孰問秋江渡家學擅
毛經大令紹芳步盛名南北馳馬希伯樂顧身世憂蓬萍美
人隔雲路屢困無怨尤母乃爲君誤蓼莪增感傷段湄動凝
佇笑入葦花叢於焉侶鷗鷺冷落萬古胸蒼茫向誰訴掉頭
謝塵埃余亦扁舟去

辛丑秋五十初度答芍田霜橋兩姪

長思誰最切情盡短歌中不耐別離久幾時尊酒同長貧惜
小阮好夢寄文通可買西泠棹來尋梅信風

李懿曾

號漁衫通州副貢生著紫琅山館詩集天海樓文集羣雅集云漁衫負鴻博瑰麗之才客都中名公

卿折節定交劉文清朱文正尤重之初公游園見其古文詞謂陳檢討後無此筆三中副車考授通判改教職

丁卯春謁選吳門馬蹊而死聞者悲之

子琪諸生負偉才與寶應劉楚楨齊名

擬曹子建贈丁敬禮

良辰靚嘉客式燕開華堂山膚及象約珍羞羅員方古懽四
五人清譚一可長春黃豈不悅秋實摘其良素琴無案衍竿
瑟徒浩倡晤言析昭昧大道詎微茫爽曙探赤水元珠自潛
藏君子寧用拙此理難具詳瑾瑜匿山石中有照夜光慎保
大素質無爲沐蘭芳

擬謝靈運齋中讀書

負翼埃培風藏舟在巨壑夙好敦綿緇虛齋耽寂莫費日惜
畫脂棄珠徽彈雀散袞瑩我疑逝者如何作點翰綴道論餘
情涉譚譚黃香遊東觀陸機預秘閣薄劣歸山川豈日分苦
樂訟稀無器誼地勝庾栖託

復水繪園爲冒丈妙隱賦

東京俊及標名氏文采風流誰擅美黨魁孝子更詞人千秋

獨有巢民耳當年水繪開名園小住江南紅葉村陸瑁溪堂
幽翠合張融岸屋落花繁靈區窈窕藏邱壑枕烟亭與湘中
閣姬人水檻薰都梁侍史風廊拂絃索楊枝按拍紫雲歌花
底明珠一串多陽羨銷魂吟綠幘新城畫壁賭黃河碧慮屏
風碁子褥黃金夾邾鉶虹燭寶刀十隊履三千鉢池春水年
年綠水綠花紅春復春青門冷落故侯貧鵝帖臨來聊換米
雀羅張後尙留賓淒涼池館古苔積酒軍詩壘成陳迹馬家
第作奉誠園江令居爲段侯宅誰知百載閱星霜天意還將
故物償一片東臯烟水地依稀猶認得全堂好尋遺蹟小三
吾退筆零牋今有無竹林自合歸中散蘭圃依然屬左徒由
來閨闥絲先澤鳳毛琪樹非凡格石上仍圓太傅棋門前更
置當時驛

女將軍沈雲英歌

鐵騎訖城城欲圯腥風亂捲黃塵裏紅粉將軍天上來十八
孩兒驚欲死將軍怒馬奪屍還開營示賊賊不前咄哉女兒
腰一束迺有姜維之膽雄且堅不願萬戶侯但願歸鄉曲居
然又一宣文君解甲譚經折五鹿

答友人

故國三千里辭家作壯遊琴聲多入古劍氣欲橫秋綠幘徒
矜媚紅裙漫主謳丈夫有傲骨誓不老溫柔

登攝山最高峰題壁

萬松堆裏振衣來霞重嵐深鳥道迴一路草香忘足倦極天
峯迴看雲開登臨坐覺金陵小吟嘯誰同玉局才浩蕩江風
吹不歇憑虛我欲問蓬萊

素園秋興次劉澹竺韵

鎮日高吟興未消
青山白社破蕭颯
漢京花物留三雅
楚國騷音感二姚
雲水空時觀刈稻
海波定後不驚潮
清言鋸屑風流甚
箋註還應續孝標

聞張玉渠說華山之勝詩以贈之

君家太華山前住
槐市相逢亦偶然
華有雄風餘駟鐵
地多勝槩說金天
三峯冠日銀河接
九折盤空鳥道懸
箭括車箱都好在
蓮花開盡使人憐

柬王柳村

江上詩人格調殊
前身墨汁飲金壺
伯喈平子憑誰證
好問風流宋大夫

謂茗香助教

題阮雲臺先生所輯淮海英靈集後

龍門高峙浙東西佳士輜軒屬品題遍採湖山量玉尺遙瞻
淮海刮金篋青眸注處恭桑梓珠字編成付棗梨一郡八州
十二邑文章奇氣吐虹霓

一編縹帙慰吟魂彩筆如花出匠門官紙價緣才子貴名山
業托撫軍尊殷璠河嶽差堪語陳起江湖莫並論月旦操持
從古有最難風誼故鄉敦

斯文大雅藉扶輪例倣遺山甲乙陳品不强分上中下集猶
待補已庚辛苦吟人姓俱含笑老屋篇殘併入春最是寸衷
尤感激風騷四世荷陶甄

阮雲臺中丞爲浙江學使時以宋畫院式團扇命題懸
示有云詩佳者得扇兩浙傳爲佳話

當代憐才阮侍郎璠壇玉尺細裁量等閒半幅齊紈素賺得

吟聲滿院忙

春風粉本宋朝遺曾寫楊家妹子詩好是風簷叉手後五花

珍簾付王搗

張應詔

號麗山泰州人
乾隆己卯舉人

過棲霞

筍輿越平楚招提敞幽磴蜿蜒凌松風軒窓抱峯影琳宮出
層碧高眺得幽迥習習優曇香濤聲答孤磬信美此山川漁
歌滿清聽寒翠入江烟月色在高嶺

張文豹

字蔚密號笠雲儀
徵人著桂子莊草

遊盛氏林亭

幽尋好是水雲鄉一畝園扉興轉長石磴草生連水綠山際
梅放過橋香偶登飛閣穿深竹靜聽春禽坐夕陽閒處置身

殊未得勝遊多恐負年光

黃勛 字竹書一字貫筴泰興人

胥門舟次

孤舟風亂燈前影野館春生雪後梅胥水有情如北向好憑

雙鯉寄書回

方清喬 字茂孫一字蔚莊江都諸生

湖口

樹老疑人立雲閒帶鳥飛壯心經百折何日始言歸

崔代齊 字青峙江都諸生

歲暮送戴衣聞還茗溪

荒郊晴雪映行裝送客江亭恨森茫鳥近黃昏皆繞樹人當

歲暮定思鄉經年文酒情相似異地雲山夢不忘最愛茗溪

好烟月明年我欲擢輕航

任以貞

字箬隣
江都人

賦友人東原隱居

城市心無繫東原樂住家推窓看遠岫繞屋有梅花老至詩
情健狂來酒興賒村中無個事時復問桑麻

阮士悅

字月樵
江都人

送汪悔齋太史出使琉球

才華夙昔名天下今立朝端第一人持節自能通異國

賜書應不愧良臣聲馳瀛海蛟龍靜

恩波彭湖草

木春到日拜瞻天使後好風吹送福寧津

潘

銑

字霜鳴號性長江都人
餘姚籍著桃軒詩稿

蟹苑曲

當年歌舞說揚州
衰草垂楊一苑秋
尚有殘螢三五點
流光不照故宮愁

潘

澈

字鏡如號冰壺山人新昌人居江都尚氣重義落落寡合嘗從龔半千遊著有看奕堂草

喜起兒生

隣翁攜酒至
悲喜出松關
四世諸孤藐
多年一脈慳
但能承素志
敢望舞斑斕
故苑荒蕪久
何時抱汝還

范景頤

字漱芳號迦陵又號琅五栗園子月三弟諸生著伽陵集

蘭

連年青徐儼千里
無草根朝朝揚州市
賣花何太繁
蘭蕙棄道上
拾之樹前軒

師五泉道人

泉在京口亂山中
道人棲止其側敗屋數椽
清夜風生

鬼物調笑道人冥心自得物莫能憑苦寂生寄題道人
詩多幽眇之思子倚和五字一首

亂髮垂飄蕭翼然如鹿豕蘋草滿空堂白龜戲庭止剝木勺
流泉溪雲觸手起炊黍山楓根道心淡于水

黃

豫字仲和號雪畔寶
應布衣著雪畔集

移榻西齋

半肩行李半床書又向西齋掃戶除豈爲華歆甘割席祇因
潘岳好閒居春憐隔院鶯聲滑月喜當窓竹影疎茗椀爐香
隨分有一椽何地不吾廬

常建極

字景峯號近辰瀋陽人居泰州張馥堂云
近辰與顧萬峰費執御項鹿田爲詩友

村居

幽棲逾十載灌木漸交柯路仄人行少林深鳥聚多山嵐沉

虎穴江月上漁蓑莫漫垂簾幙春風燕子過

李綺木

字芝山
興化人

陳滄洲先生出瘞鶴銘於江中賦呈

孰瘞鶴孰爲銘何年轟落江之濱先生運用如有神補綴焦
山山倍青蛟龍不動江波靜佇見斯石垂古今

芮增皖

字滋蘭寶應范
水人候選同知

無錫晤子龍兄

錫山停濯獨徘徊客邸誰親濁酒杯離別故園兄弟少相逢
猶似夢中來

進

俊

字旦菴江都人
著映春堂詩

和友

相思均此念莫怪寄書稀半月琴爲枕一春花掩扉謬成夙

世懶幸得一身微寂歷空山裏君應共息機

送閻牛叟歸淮陰

相聚轉相愁停舟上酒樓梅開翻作別歲暮自難留日落杯
辭手天空雪滿裘王孫垂釣處臺上枕寒流

許天球

字崙葵江都人著碧雨山房集王又村云崙葵
爲荔生姪孫與李嘯村鮑海門爲友詩名頗著

寄題崑山王躬王先生松筠堂

在昔山人金粟氏胸懷恬淡如秋水玉山山下水雲區數椽
曾藏經史風流文采至今傳柳塘梧徑存遺址莫爲之後
美不彰代有哲人此居止先生性不尚繁華足跡經年罕城
市巋然名德比松筠素業一經留教子鳳毛五采照江東籍
籍王郎震人耳謂嗣君鶴書問奇載酒車填門掃徑歡迎常倒屣
館隘高朋慮不容新築東軒輪奐美讀書味道樂餘年花逕

逍遙安杖履何須更計買青山卽此幽棲良可喜宋玉之宅
住蘭成祇今佳話差堪擬

端陽後五日譙集補堂聽通州王吉途坦彈琴卽題其
所著琴旨後

雅音欣閒作傾耳最心降夜迴林猿嘯風清石澗涼奇書人
不識妙指世無雙何況消長夏吟儕倚竹窓

杜士祿號霽村
寶應人

山程春暮

策蹇山程僻荒烟野樹叢橋危迂渡水鶯老倦啼風嵐接曠
雲碧花流曲欄紅行人與春色來去總匆匆

蔣之夔字聯芳號芝
田甘泉諸生

客中送春

青鳥蓬山信杳冥，晚霞無際水盈盈。
老來春色情偏重，客裏年光去倍輕。
畫閣曉風聞笛怨，新灘夜雨作愁聲。
空庭月落秋千寂，誰繞闌干獨自行。

閔士雙

字耐翁江都人乾隆
雨山房集王

舉人官亳州訓導著翠
村云耐翁詩真切感人最近杜公

母忌日展墓

死尚憐兒病，彌留語更綿。
至今無寸草，何以報重泉。
薄奠思昌歎，荒原泣杜鵑。
不才唯放廢，吞恨自年年。

將之白下

西風一夕至，吹上白門船。
山遠全遮樹，江空欲浸天。
秋思涼雨外，客夢夜燈前。
忽憶題襟別，勞勞又一年。

奉滿赴驗復留訓導之任返署口占

冷官誰與定，瓜期淮北江南。
匹馬馳客路，飯稀唯強酒。
奚囊

金盡却添詩去當碧藕生花日歸及丹楓照水時贏得溪山
滿懷抱未妨校字老書帷

喜閔塏兒捷京兆

一封書到廣陵城喜極翻令涕淚傾身已去官無別業衰唯
望子最關情所欣文雋雕蟲技甘任人嘲老鳳聲仕進有階
還拭目詩書宿債了吾生

李拔式

字萃升號竹岑江都人乾隆癸卯舉人官神門訓導

贈別最峰

千里辭家祇爲貧同心先此寄閒身青箱慧業君三絕白髮
慈闈我二人簿宦未能謀善養遠遊况復阻音塵秋風倘作
揚州夢幸道平安慰老親

入新安界口

四面峰巒合清溪一棹通舟行亂石上人到萬山中飛瀑流
寒碧秋林染淡紅蒼崖看不厭盡日坐推篷

施朝聚

字信符朝幹弟乾隆壬子舉人著懷永堂詩集孝廉高壽五歲小徵遺集二集其弟子江元卿屬王

柳村選刻之

將歸真州呈家兄鐵如

我從江南來千里赴兄幕胡爲未一載遂定還山約骨肉義
常敦相遭豈澹泊居食竟有忝此衷渺何託行矣勿重述揮
淚下官閣道遠情逾新所憂非契濶

盛世重學校典學命達官出入體特崇度支俸乃寬臣心亮
如水市道苦相干讒諂或蔽明僕隸緣爲奸此中有深昧不
在簡華端願兄報 國恩糾察良獨難

方正學祠

干戈纍起削諸王豈是先生計不臧絕學有心慕周孔中朝
無術歎齊黃九京血洒金川燕十族燐飛木末霜南北崇封
相對出孝陵烟樹晚蒼蒼

方

本

字力唐精齡子乾隆己酉舉人丁小硯云力唐秋
草四首爲宮霜橋所欣賞謂其揉情入景字句皆

着實不徒以描摹出色
也子仕變仕倭皆諸生

秋草

曾記尋芳步翠微而今景色竟全非岡頭獵火迷鷹眼河畔
西風冷蝶衣衰颯幾經沾曉露飄零何計答春暉茫茫一片
寒烟裏南浦征人歸未歸

倚樓

登樓望所思所思音問絕但聞隣笛聲似訴關山月

方

谷

字蘭隅本弟乾隆己酉舉人江蘇詩事云真州方
孝廉谷蘭隅與兄力唐同舉於鄉有隣樹句云隔

院綠拋三徑雨近墻紅
界雨家春的是晚害

古劍

鞘已龍紋蝕斑猶頭血留萬金秋水碧三尺土花柔每自鳴
風雨由來識怨讐偶從堦下試光逼斷虹收

李

鈐字宗鼎號香淑江都仙女廟人
乾隆戊申舉人著殿春軒集

阻雨

短棹泊孤城殷雷繞堦鳴雨昏江甸色風變早秋聲拍岸寒
濤咽凭欄濁酒傾忽看雲歛處斜日遠山明

貴

徵字奕唐號仲符儀徵人乾隆己酉進士官吏部文
選司郎中種竹軒餘話云吏部自塞外放歸嘗偕

阮雲臺宮保梅叔明經過訪曲江亭追暑荷花溪上每
至達旦不倦余有荷無竹帛動貴賤同一朽之句追憶
昔遊殊深于邑

早秋薄暮出右安門口占

涼水河源卽鳳泉照人鬚髮碧娟娟藕花落盡鳬薺壯最肖
江南是稻田

輕黃委地瓜苗熟半赤垂墻棗樹高貧戶牽藤能補屋家家
庭院有蒲桃

閔志埏

字春樊士雙子乾隆壬子舉人高虞卿云春樊事親孝工韻語嘗作春社句時豔稱之

阮梅叔珠湖漁隱圖

秋士愛臨水住詞人例以漁名借問雷塘月滿何如甃社珠
明

烏榜衝烟緩綬白鷗點浪輕輕着個阮宜短杖雨蓑雪笠生
情

阮梅叔曲江亭坐雨圖

江空秋氣多蕭蕭送疎雨晏坐心悠然濤聲渺何許

茅亭三兩間水竹清且美願言結比隣賞雨叩詩旨

閱

鵬

字扶蒼
江都人

送家民化之淮陰

君家西楚上淮水遠浮天孤棹前宵去虛簷獨客眠若逢村
畔酒莫惜杖頭錢好發池塘夢新詩憶惠連

繆

昞

字午亭號補
之寶應人

有所思

休嗟行路難聽歌有所思問我何所思所思良易爲不思爲
文繡環佩增光儀但思爲組絮衣被歲寒時不思爲梁肉馨
香升鼎彝但思爲輝粃凶荒活饑兒騁懷多況瘁徐步無旃
胝飛端與層巔履之康且夷

詹肇堂

字石琴儀徵人乾隆己卯舉人著心安齋室詩集
石琴有斷橋句云僧尋別徑歸山寺人立斜陽待

渡船有不粘
不脫之妙

溪夕

蓬戶暮方掩晚烟生幾重寒溪上初月殘雪在高松契此竹
間徑復聞林外鐘所思今不見寂歷倚孤筇

破塚

冬青花發泣寒蟲蓬顆累累塚數叢朽骨暗穿蒼兔穴秋燐
遙颭白楊風愛才有鬼詩能唱澆飯無人死亦窮長夜漫漫
堪一慨幾回憑弔夕陽中

和賓谷先生登樓懷白庵菴船蓮裳蘭雪諸君作

撫檻忽不憚停雲懷故岑亮無千里目傷此百年心余亦低
徊久臨風寫素琴冀因北歸雁倘惠瑤華音

趙人麒

字天麟號石齋江都
瓜洲人著玉尺軒詩

和素西巖太史南庄題壁韵

一徑延緣傍曲隄堂開綠野稱幽棲間招田畯諮禾稼自課

園丁理藥畦茶墅遙瞻花檻外

南徐金陵諸山皆可見

文峰近矗畫樓

西次峯壘在

舊栽桃李盈寰宇新蔭於今別有暎

陸

向

字慕劉寶應諸生

冬日遣懷

六十老人事事非學書學劍總心違歸來一枕邯鄲夢日上

梅花未啟扉

黃文暘

字秋平甘泉貢生著掃帚山房集王小村云先生少負才名與配淨因極唱隨之樂嘗爲孔上公師詩

集上公所刻子金寶鑾諸生

雜詩

深愛出奇妬衆憎生獨憐供人爲愛憎生死相纏綿任我爲

愛憎幻相成因緣陰陽異舒慘兩兩相節宜順之成聖賢逆之成神仙

送朱立堂返槩溪

世事不稱意飄然返故山何須尋赤鯉自解駐朱顏坐月詩同冷眠雲夢亦閒懷人看舊稿一一手親刪

立堂詩皆予刪定

寄壽淨因

影逐形依四十年弟兄師友樂相兼閨中風雅傳詩畫命裏辛勤累米鹽老眼未看成錦字夜燈常憶對蘆簾冬餘歸計吾能決東海攜籌爲爾添

過舊讀書處

顏垣一帶鎖殘陽誰認當年舊草堂載酒久無人問字讀書曾記月窺牀殘碑最負名猶在筆掃龍蛇跡已亡卅載重來

堪痛哭死生聚散總茫茫

梅叔招遊臯亭看梅花

維摩耽病是生涯天女多情爲散花
老去詩懷原未減霧中眼力竟全差
半篙問渡溪多曲幾樹當門影欲斜
我已重來曾識路還將雞犬認人家

題阮梅叔珠湖漁隱圖

渺渺一湖水珠光應有神直釣無所餌
陽鱉或相贖君是任公子我爲漁丈人
兩蓑宜見假小艇卧閒身

凌

鸞字青鸞泰州監生海樓都憲裔世居海陵後遷郡城孫騰樓以遺詩屬選

漂母祠

貴日千金易貧時一飯難淮陰終孟浪
莫作報恩看

移家郡城

湖上三間對早梅一尊聊爲此花開
貧家莫謾愁沽酒問字偏多做得來

袁承福

字成之號肅竹東台諸生羣雅集云肅竹繼吳野人後崛起海濱詩直樸澤鴻吟與興化顧蒲船水災諸作俱

詩史也

老將

百戰頭顱在生還是主恩裏尸無馬革脫甲有鎗痕
夜月山前虎秋風塞外魂酒酣猶矍鑠時把舊功論

老漁

風雪歸雙鬢兒孫聚一船桃花春水外蓑雨暮江邊
沽酒村都熟高歌興尚顛尋常鷗鷺侶相對總忘年

茶羹

世路多滋蔓吾生敵茶根東南民此色貧賤味常存
舌本甘

冬雪書香媚夕殢行將學老圃袍囊灌柴門

做裘

不煖翻因重常披轉自驚幾行慈母線百結旅人情雪積寒
仍在年荒價更輕依依戀故我難質酒盈觥

卽事

渡江春色遍天涯三月垂楊又作花多事東風吹不散却隨
蝴蝶入西家

春烟

或罨山巔或水涯春烟漠漠籠輕紗有痕却似情難斷無力
偏教影易斜淡染晴光和草色濃隨香霧濕梅花五侯日暮
迷離處多少樓臺一半遮

寄王柳村卽用寄楊蓉裳韵

荒海閉蓬戶風池定萍踪窈窕一朵雲飄來自雙峰雙峰有
仙子服氣師赤松煉丹成九轉冰雪清姿容不食烟火食焉
有塵壒胸驪珠握霞采龍劍懸霜鋒瑋樓居隱隱翠屏列重
重五銖曳輕袂衣裳采芙蓉拍肩時一笑下界聞黃鐘
蓬萊幾清淺別離我心傷盈盈一水隔從之欲舉裳舉首望
天末序易秋風涼我思不可見傾此九霞觴一觴一歌詠令
我齒頰香君詩沁俗骨我醉尋仙鄉君顏何赭渥我髮何蒼
蒼迺笑呂安拙命駕途修長

劉司炎

字篁圃
秦州人

白桃花

三月桃林訝雪紛冰肌玉骨未超羣武陵溪淡非關月仙洞
春深總是雲玉燕掠時驚莫辨素蛾飛處杳難分高人縱醒

羅浮夢錯認梅花鎖夕曛

劉司夏

字夢渭
秦州人

初夏夜

拂石撫瑤琴松風弄餘響移時月東升光輝亦何朗地僻遠
市聲心清絕塵想仰視天宇空明河清且廣露坐夜涼生孤
興憑誰賞

江振鴻

字頡雲一字文叔春子候補道著鶯花館詩沙文
叔燈里子爲鶴亭方伯後好善樂施尤爲陝道里

中不能婚嫁喪葬者皆經紀其事嘉慶八年徽州大饑
捐資助賑至今德之與方子雲鈕非石袁壽階吳蘭雪
郭頻迦陳曼生雲伯皆下
榻康山極一時文酒之盛

蝴蝶

蝴蝶東風楊柳吹閑情栩栩漫相思三春別院初晴日一片
飛花無定時何處簾櫳香悄悄荒臺雲雨夢遲遲夜來寂寞

燒銀燭檢點衣裳獨自疑

春日有懷

扁舟曾過九龍山
柔櫓聲中寂寞還
落盡楊花又風雨
不知何事滯江關

江士相

字元卿江都人歙縣諸生官員外著二分明月樓集羣雅集云元卿襟抱閑逸讀書嗜古絕無貴介

氣待交遊一本真篤袁蘇亭謂其古道照人胸臆冰雪非貢諛也幼學詩于施太僕格高神遠在襄陽輞川間

擬詩王柳村不杲

高卧懶出門清齋倦回步爲問武陵源
花開定無數帶雨春意濃迎風麗清露
雞犬慕仙家烟霞阻溪路相期需後約駕言踐前度

太白樓

西江落明鏡飛上謫仙樓當日一杯酒
高風萬古留放歌自

清夜悵望臨中流不見衣宮錦飄然何處舟

河西太白酒樓

昨泛西江棹曾尋牛渚秋今看歛浦月又上謫仙樓衆壑風
聲定千峰夜氣浮何人更攜酒坐對水空流

姑孰浦逢葉子賦別

姑孰浦逢之子今我歸故鄉胡獨遶桑梓臨岐空復情折柳
贈君行篋與離別處各上東西路短亭人送長亭去

餞亭

古餞亭餞行處離人到此行遲遲別淚灑向東西路我今暫
喜能還家那堪送客天之涯天涯送客一揮手欲別難別傾
樽酒春來無地不傷心渡頭芳草橋邊柳

凌雲臺

先中丞公築

四野杳無際臨空陟此臺蒼然一以眺秋色萬峯來莽莽平
疇濶蕭蕭古木摧中丞遺址在躡足重徘徊

方二符

字勿堂江都張
綱鎮人布衣

聞雁

性潔本難耦心孤易惹傷勞君入秋夜哀響到空堂江漢懷
兄弟霜天念稻粱白頭燈影裏聞此倍淒涼

劉玉麟

字仲昭號水樓玉麟弟諸生盟陽淑筆談云水樓
嘗錄其先世遺集數十種來洲上丐余選定懇切

誠篤不忘先德孝慈有足風者
其姊夫程定甫廉訪時稱述之

贈王柳村先生

乾坤清氣鬱江村爲訪高踪造德門花竹有情依白屋林泉
無際入黃昏人來爭獻南山壽

太老先生康齋
公年高德峻

客至都傾北

海樽我與先生如舊雨許多遺集賴評論

三世詩文集共數
十種丐評定入選

才華如此未爲官
百里何能展鳳鸞
匝月金錢勞會計
一方孤寡免饑寒
先生同下乎升諸君建同善堂養濟孤寡
住山宰相唯吟嘯
出世神仙託考槃
我昔程門曾立雪
傳聞經濟遍江干

村中梅花

已從歲酒杯中見
又向江樓笛裏聞
寂寞柴門殘雪路
寒香遮斷一溪雲

羅

聘宇兩峰江都布衣王又村云兩峰爲壽門弟子能畫生有異稟目見鬼物卷畫嘗畫鬼趣圖殊形異

狀宛然吳道子地獄變相其寫大阿羅漢及摩訶薩各像足與崔青蚨陳章侯上下著登岱詩二卷

雨中復上岱宗遇聶二敘歸簡朱大箕

夜雨侵客枕
山雲宿官閣
起聽新瀑聲
遙從空澗落
因思凌屏顏飄然
出城郭
抱癖憐寡諧
不憚濕芒屨
陟厯忽逢君
笑謂似宿諾
相與事躋攀
一一恣搜索
東崖登壁壘
西嶺攢劍

鵬矚目千夫容雲中辨隱約萬松爲笙竽寒風噫崖崿盤迴
走玉龍聯絡垂珠箔大聲吼波濤小聲擊鈴鐸石凹水凝砒
笠斜風欺箬墨雲看屢翻雷雨復交作飛來澗底龍噴洒遍
林壑歸輿時恐傾磴滑難停脚未免俗士譏亦任山鬼謔靜
悟造物心所忌在極樂不知雨更佳茲遊足凌轢況有未來
人尚爲塵事縛

御樟坪

宋真宗
駐蹕處

橋平便游屐赤闌無巧斷窺礧俯亂流面壁仰飛瀑或如雪
作花或如几鋪玉或如大小珠倒傾千萬斛山靈慰勞人娛
耳復娛目淹留坐陰磴不獨洗煩溽因歎祥符初繁華逝水
速玉輅載天書萬乘來空谷辛苦獻芝人於焉開御幄遺跡
問清流高松聲謖謖

卞玉峙

字四野
江都人

彷徨園

入戶盡通明高齋遠俗情名花三徑擁疎影半窓橫暑盡餘
殘熱秋高起雁聲恍疑遊閬苑目爽更心清

高垂裕

字啟昆號春浦泰州
監生著天香閣詩集

雪後晚眺

荒墩突時夕陽西積素光寒遠近迷獵獵風吹台畔樹不堪
飢鳥向人啼

鍾

懷

字葭崖甘泉貢生勤於撰述著春秋考異說書區
別錄論語考古祭法解周官識小讀選雜述興藝

塾問答漢儒考興藝塾雜記考古錄覺
菴日記筠心館集諸書歿年四十五

懷阮雲臺

之子三年別超然迥不羣注經凌許鄭簪筆敵卿雲清美承

恩重論思奉職勤文章能報國何止掃千軍

與我有深契斯人非面朋窮居煩問訊雅贖得師承極目雲
千里相思月一稜遙知仙宅外鈴索響宵鐙

陳

琅字柏莊又字秋門號七峯江都監生君與興化解

書與朱老龜朱草
衣顧萬峰旧酬唱

舟次山陰

獨酌依芳樹長歌對落暉山林如此秀觴咏不須歸繫艇成
佳趣逢僧話息機勞勞霜滿髻吾欲閉柴扉

吳文祥

字麟士號定生如皋人乾
隆乙卯舉人著定生詩鈔

十四夜月明飛雪清寒特甚

酒力到身輕寒颼不斷聲吟隨鐘共寂月與雪爭明短榻他
鄉夢孤燈此夜情窮簷薪似桂何以遂謀生

劉子方

字西田號約齋寶應諸生著茂承堂接翠園集

送別

執手送君行臨岐各自驚白雲皆去路黃葉盡離情有夢隨
明月無人共短檠相期重把臂盃酒聽鶯鳴

羅懷玉

號東籬東臺貢生詩有吳野人之風品亦相近

贈王柳村

通儒採訪代諸侯

曾賓谷都轉伊墨池郡守纂廣陵圖經聘君各邑採訪文獻

書劍初來

海上游蠹簡碑銘收滿篋鶯花天氣放歸舟范堤柳密藏烏

暗召埭波平帶月流此去竹西應繫纈未須夢繞翠屏洲

衰翁七十鬢如絲終日吟詩俗所嗤誰向蓬蒿尋仲尉自憐

老病遇鍾期鷺鷥碧海同盟地文酒紅燈促席時感激采葑

風雅藪

君採拙作入羣雅集

分襟那不動愁思

湯襄隆

字荆垣號漢亭寶應諸生著古槐堂集

雜詩

陽春二三月嘉樹發華姿寂寞深閨女對鏡起幽思踰垣夙
所愧含貞而待時良媒久不至芳容亦自疑佳辰無與歡空
房淚暗垂

靄靄溪上桃灼灼含朝露幽鳥一以過惜哉芳時暮花落逐
流水餘香猶在樹對之感我懷殷勤爲持護根株苟不傷歲
歲花如故榮悴似轉蓬寒暑潛相度慎茲寥落辰乃與榮華
遇日夕清風生濃烟散何處

遊永濟寺

六代銷沉後青山滿落暉秋風初到樹岩翠欲沾衣颯爾疎
鐘動蕭然老衲歸香燈深竹裏漸掩白雲扉

高

朋

字侶益江都監生性孝友爲一時圭臬工古文著

人子士鉅字佩紳候選吏目以目疾未就仕孫承治字虞卿諸生精易學訂周易精義十二卷善篆刻工詩聯竹西詩社家贊山廉訪賦二絕句益信家學有替人也

渡江

急浪促行舟飛雲壓舵樓沙明晴岸迴月落大江秋身世畱青眼功名悞白頭時赴省試高堂親已老豈敢愛遨遊

題畫蘭爲鄭板橋作

菲菲香氣動吟毫疑是湘君下漢臯爭奈幽芳多惹怨於今不忍讀離騷

高承瀛

字崑仙侶益孫少天

暮春

草生野陌色萋萋柳覆長亭綠已齊三徑斜陽簾半捲落花

如雨子規啼

喬大鴻

字儀上號容浦寶應貢生著槐陰樓集

送大宗笠南遊

楊柳暗孤城渡頭芳草生流鶯啼不住春水碧無情別夢風
將遠離心酒易醒峭帆何處落迴首暮雲平

淮海英靈續集

鄉人阮亨輯

孫廷颺

字虎山泰州取村人諸生詩筆清健與小阮同爲閭戶力學之士王柳村遇吳陵得此書

不自勝

固錄之

贈張丈石帆

有唐詩人誰繼起皇甫許戴後張子青袍朱履稱閒身白髮
蕭蕭垂過耳我從槐市躡清塵酒酣握手情相親自言丁卯
橋邊住風月江城舊主人手折瑤華臨別貺三年離思隔烟
浪長謠不改杜陵貧落魄江臯仍拾橡只今齒脫雙耳聾振
衣一嘯來清風日暮留君君不住掉頭吟蹋樵歌路

聞雁

海天霜冷雁初飛旅館驚聞思轉遶橫梨健兒應解甲鳴箏
少婦欲沾衣水雲身世家何在水雪關河計轉非謀食年年

爭似爾天涯空羨稻粱肥

題季天中給諫出關詩草後

九重鳴鳳出鵷班萬里投荒記犯顏
盡室忽驚成死別孤臣原不計生還
風沙日暮悲青海笳鼓秋深夢黑山
只有吟囊殘稿在至今流播玉門關

孫鳴桂

原名駿字劍樵諸生虎山從弟

月滿軒

地僻可結茆虛齋日軒豁心閒機事盡
夢轉歌聲發開窓天宇清林暝吐新月
月色正泠泠素心託高潔

許以恭

字敬夫號陶庵江都再興州人諸生乾隆庚戌欽賜翰林院檢討江蘇詩事云檢討弱冠爲

諸生工文砥行秉四勿之訓甚嚴年四十妻亡不再娶八十二始出疹痘齒落重生鶴髮童顏燈下能作蠅頭

小楷卒年一百四歲奉

旨加級建坊真

熙朝人端

述懷寄王康齋

匆匆已過杖朝歲白首耽吟江上村無子承歡嗟伯道有孫
難養愧曾元餘生飄泊惟琴枕垂老心情盡酒尊吾道休爲
遲暮感瓊林雨露
九重恩

趙

璉號燕村
寶應人

獨酌舟中

烏桕搖霜風白蘋老烟渚獨客傾一尊孤篷聽涼雨沙鷗忽
飛來與爾成賓主

送遠曲

送君千里行出門休四顧馬蹄芳草痕是君歸時路

鄭乾清

字雪屋
寶應人

寄王亦退閩中

起舞聞雞怯曉霜
玉鞭遙指控蠻荒
七閩風雨雙龍劍
九曲溪山一錦囊
日盼金駟嘶故里
秋期綠蟻話新涼
幾回夢裏追尋處
落月驚疑滿屋梁

阮承春

字載陽號竹嶼儀徵諸生亨本生父也王柳村盟

見示內有載陽先生詩事甚多先生少應泰州試見門
外遺金不取守以俟來人是歲先生與胞弟湘南先生
鴻同入泮人以爲行善之報先生子天保號九如豫妹
婿也故知其孝行事蹟詳瀛舟筆談著顏子內外篇禮
堂文集竹嶼詩鈔
平湖朱爲弼填諱

送秋

昨夜寒蛩唳太苦
聲聲如喚秋歸去
書窓寂寞愁奈何
惆悵西風留不住
夜雨空濛枕簟涼
坐唳宋玉悲秋賦
怪秋別我秋無辭
我欲別秋作何語
何事離魂兩黯然
幽懷未許逢人訴
雁過長門一點燈
傷心最是霜中杵
十分愁付菊花樽
頻

困淵明于老圃

苦雨用梅叔姪韻

窓外經旬雨未收蕭蕭黃葉不勝秋濕迷旅雁三湘影滴盡
征人萬里愁連夕蕉窓聲不斷何時菊逕夢同遊吳山待看
新晴後沐出青螺入畫樓

盆菊

閒吟連夕夢柴桑分出陶家一點黃晚節豈終離下寄高人
合伴案頭香栽從冷節何愁雨賞到殘秋不畏霜引得採花
瘦蝴蝶紛紛飛入讀書堂

定香亭夜坐

熊兆安按先生
時客浙江節署

閒坐茅亭納晚涼月明如水漏聲長不知池內蓮花放但覺
風清自在香

喜梅叔姪自揚州來浙

春風如剪雨如酥
楊柳青青泛鏡湖
試問故園桃李樹
今年花似去年無

西湖

最是鶯啼燕語時
春波如縠雨如絲
阿儂多少傷心事
遊遍西湖無一詩

黃

驂

字嶽嶺興化人乾隆辛卯舉人陝西知府著雙江倡和集

新綠

又隨佳日蔭高齋
目送林間闌正排
幾處落花尋舊夢
一溪流水問生涯
濃分酒色才浮盞
細染苔痕欲上階
便擬臨風過長夏
午陰遊戲綠槐街

程世燾

字明義儀徵諸生

春感

莫厭柴門晝不開春風一樣拂蒼苔
炎涼最是呢喃燕寂寞空梁竟不來

徐元惠

字景橋號問陂甘泉人候選理問邵埭徐氏兄弟八人以孝友聞於時人比之入旬長公少坡慷慨

好義諸弟若愚溪顧川輩多似之問陂獨恬澹處於艾陵湖濱雲川閣流覽史籍其季春泉舍人雲淙侍御同舉順天鄉試雲莊會試出余伯兄雲臺門下少坡子玉立甲子乙丑聯捷春泉子王采問陂子玉舉癸酉相繼中式科第之盛甲於甘邑

題錢鶴山詩集

天空一鶴下寂寞成孤吟
萬里清秋月難忘此夜心
肯將雙眼白遙望碧雲深
道路徒哀鳳吾徒不可尋

徐元方

字季昆號春泉元惠弟乾隆乙酉舉人官內閣中書應地山云春泉與弟雲淙遊紫芝夫子門下凡

十年夫子為吏廉歿後貧甚春泉教養遺孤俾成立今鶴山與哲嗣載之同領鄉薦若春泉者可謂不忘師誼

矣

蕉窓夜雨

剪燭西窓暝夜長
愁奈何瀟瀟吹不斷
此地雨聲多

石室書燈

明河露氣清
暗壁蟲聲冷
欄戶寂無人
玲瓏漏燈影

汪

舸字可舟
江都人

月湖清泛

野水碧無際
涼風吹欲波
故人天末至
孤艇月中過
渺與空明接
泠然興會多
有懷澄汰盡
不禁扣舷歌

黃鶴樓

荒寒鸚鵡墳
三尺雜鰕魚
鹽市一灣放
眼便能齊物
外側身猶苦
在人間海門
東接蛟龍窟
蜀道西連虎
豹關幾度徬徨

愁墮險欲騎黃鶴借飛還

吳宏雋

字書永
江都人

暮雨過鹿門山

一江濃霧起寒色滿秋林欲拜浩然墓亂山何處尋空傳雲夢句誰識鹿門心余亦狂歌者栖栖南漢陰

吳自強

字民懷號肯田寶應諸生著愛荆堂集劉楚楨象求集云民懷與秦礪泉李嘯村友善佳句如音書

送雁

久絕方知別魂夢難親始覺疎浚泊年華夫婦老荒涼門徑友朋疎

孤客驚心候年年值暮春不能如旅雁長是未歸人羽翼鳳霜悴關河歲月新送君無限意愁絕楚江濱

吳樹本

字建中號務堂寶應豐莊布衣

漁家

半篇秋水夕陽天釣得鱸魚不賣錢一曲高歌一尊酒移舟
穩臥荻花邊

黃德顯

字思伯儀徵人乾隆庚子順天舉人

梅影

真是孤山絕世姿安排紙帳竹屏宜但吟明月猶前夜忽背
春燈見一枝空外高寒殊落寞生來半骨本清奇倩誰着意
兼描我不遣林間老鶴知

湯世泰

字三陽號過庭甘泉監生著桐蔭閣詩集三陽伯母朱皆苦節奉旨旌表

雨節

母亦奉旨旌表

打麥詞

大麥黃小麥熟姑腰鎌兒叱犢堆得滿場珠百斛山田水田
一時收柳板聲聲雜碌碡薄暮風輕餅餌香吹入東鄰西舍

屋

哭李素園

卅載交情見性真君何中道厭紅塵文章到汝功名薄風雨
連床手足情老去頻揮知已淚春來頓少看花人而今芍藥
詩猶在低首吟哦一愴神

程晉芳

原名廷鎮字魚門號戢園甘泉人乾隆辛卯進士官吏部主事以校勘四庫全書改編修著戢園

集羣雅集魚門家資鉅富慷慨好客社文貞所謂萬間
廣廈也坐是中落晚依畢中丞幕府病歿中丞爲設主
受棺收賻以遺其孤海內賢之時人語云
自魚門死士無立處竹君死士無設處

秋夕偶成

夜靜響易聞人稀月逾白微風稍生涼庭樹驚撼撼酒懷夙
所淡詩思條以積露點落衣濕虫吟向秋窄欲尋塵外友恨
彼園林隔何處度踈鐘煩襟頓相釋

雜詩

淼淼長淮水蕭蕭楓樹林清風振遠响寒鳥遺哀音極目曠
蕭條秋氣感人心孤雲在空山白日隱遙岑沉吟竟誰訴鳴
彼邱中琴

正平感鸚鵡茂先賦鷦鷯豈乏曠世識末路終摧凋知幾貴
早央迷欲禍之招君看鸞鶴性一舉干雲霄

送陳古漁歸白門

艸艸相逢袂遽分人中淳粹比崔羣一編綠字洵堪賞三歎
朱弦久不聞春雨太繁憐作客梅花正好未留君江南故舊
如相憶爲道沉吟對楚雲

胡長齡

字印渚通州人乾隆己酉殿試第一人官至
禮部尚書尚書詩文敏瞻與李漁衫齊名

題深柳讀書圖

席帽青衫入洛年當時曾買孝廉船而今歸臥家山穩黃葉
村前種研田

聞歌

短歌不能長長歌更激楚未知歌者心焉知歌者苦苦亦無
人知歌亦不能止苦亦各有情歌亦不相似况復悲歡殊隔
闕應如此

成光化

字萬舍號松筠實應貢生

山寺題壁

支筇入山寺尋勝訪名泉空翠滴微雨亂峰沉暮烟林深猿
覓果夜靜虎聽禪不寐看秋月松風雜管絃

送別

落日送征人征帆挂已滿愁逐柳條青春風吹不斷

汪夢桂

字文舟號秋巖儀徵人乾隆己酉舉人陳雲伯云秋巖廉隅自飭時奉爲圭臬淮海學者目爲李精

山後一人子紹成舉孝廉方正

檢先人手跡示諸子

爲課兒功檢蠹魚一編擎出感欷歔當年我父留教我垂老
寒窓手自書

數卷寒家萬石儲況經手澤重璠璣無多一語頻相屬是好
兒孫不賣書

張老薑出近稿相示喜而述懷并贈

我之先祖母汝之曾王姑休戚情一體豈但如葭莩相攸憶
往歲舊姻我是圖聞子謹愿者謂可保妻孥今喜更過望吾
子真鴻儒傾囊出著作的鐫投明珠蒼莽雄真氣學杜良非
誣韵事不止此好古腹更腴得茲結蘿薦佳士足慰吾自慰

還自咎藻識圓方隅姻戚數十載不知有鳳雛何怪風塵內
落落英賢徒

宮

麟字秀機號困庵增祐子貢生著硯耘吟稿唐序聲
麟云困庵館王述庵司寇邸第司寇南歸施太僕小
鐵延主其家兩公交
相延重卒年四十四

月夜渡揚子江

利涉舟人趁夜行中流鼓楫覺身輕江空始信天無盡浪湧
翻教月有聲萬片帆檣爭色相兩山樓閣化虛明此詩疑入
蓬萊境忘却塵緣一段情

官協華

字芴田號晚香泰州
人乾隆庚子舉人

題魏松濤進士春耕餽餉圖

紅雨青疇一徑斜百年風日屬田家桑麻儘有閒中趣肯學
河陽只種花

劉

穎字實夫號儲齋
寶應人貢生

九日懷畢花江吳蓉裳

客館蕭蕭值九秋忽聞征雁不勝愁那堪好友天涯隔一在
和州一景州

管粵秀

字南英號歐山甘泉人乾
隆壬子舉人著歐山詩集

赴金陵

故人在江南招我看山去我愛籬畔花看花又小住修竹亦
解人淺碧稍以露把酒日對吟忽忽朝復暮舟子與待久造
門詰其故一笑以解之聊亦適吾素

劉芝集

字仲皓號商樵寶應諸生著荷里集象求集二云
商樵余仲兄也秋雁云白蘋江上以千里黃葉聲

中月萬家佳句
也卒年二十八

子規曲

子規啼子規血血染花紅啼不歇歇時休更啼更啼腸斷絕
妾腸斷絕何足云莫使關山獨客聞

江

蘭

字晚香甘泉人歙縣籍貢生官至山東巡撫兵部侍郎中丞猶子元卿刑部風流儒雅與余論詩最契元卿錄中丞詩入選故所收僅此

同吳大熊雨過如意寺

濕雲溪上生山翠望已失蒼茫西干路石徑滑遊屐相攜渡
石橋看竹支公宅山僧道氣淳况復舊相識留我具盤餐爲
我脫巾幘水月證禪心烟霞忘主客拂檻鼠姑花含香苞乍
坼齋厨笋蕨香佛界松篁隔忽聞一聲鐘斜陽在石壁相送
出柴扉雙城晚烟碧

劉日杏

字倚雲實應人

客去

客去漏聲稀林光沒夕霏樓邊孤月到烟外一鴉飛酒罷欹
高枕庭空掩半扉不知今夜夢曾與爾同歸

趙立誠

字機軒寶應人
乾隆庚子舉人

蕩子婦

灼灼園中花昨夜風吹落念彼遠征人空閨滋寂寞迢迢驛
路賒渺渺天宇廓君心諒不移妾身將安托

錢應時

字秉之一字數峯甘泉人官
仁化知縣著紅豆山房集

文選樓

當年絳帳樓頭住拈得維摩一瓣香自撰選音傳李杜漫云
作賦是蕭梁

江都文選樓乃曹憲教授生徒之所王觀賦帝
子去矣空文選之樓以樓屬昭明太子誤矣

搜羅文字歸風雅釣弋詩書證典章日暮憑欄惆悵久斷碑

零落臥斜陽

喬茂才

號回齋寶應人
官邵武府同知

題汪木瓶水村圖

講元逃墨總空羣白眼終朝送斷雲他日歸來乘釣艇一竿
蓑笠好隨君

喬尹度

字幼宏號廓庵寶應人候選同知

王緯公劉惠人過訪

金風肅園林落葉聲
檣檣扣扉二妙來
乃是烟霞客雜坐忘
主賓殘花透簷隙
痛飲傾肺肝
狂歌墮中幘
林外棲鴉啼歸
客動雙屐相送臨扁舟
仰視秋月白

喬

標字凌秋號秋巖寶應人
附監生著秋巖稿

送汪麓亭歸里

故人聞說過江干
小別非遙作別難
從此揚州應有夢
却留

明月共誰看羨君梅閣香風暖知我青燈隻影寒珍重天涯

書一紙淮南爲藉報平安

以家書相屬

成永健

字乾夫寶應人

此日

此日將何適孤踪類轉篷短驢欺客倦久僕怨途窮酒戶原非小愁城不可攻砧聲頻入耳多事是秋風

朱澤潢

字潛安寶應人

齋中卽事

浮名拋却學安身二十餘年閉戶人一榻琴書常作伴四時花鳥獨相親無關寵辱何妨嬾隨分葢鹽不厭貧莫道山中滋味少老翁偏自覺精神

周

英 字雲白寶應諸生

寄任子田

我尋遠山去渡江及早春逢君廣陵陌邀余白下門暮遊盪
雨漿朝登躡層雲樽酒無消歇高歌世罕倫歡娛共晨夕倏
忽已兼旬歸來一短篷中途各乖分緋桃零曲澗柳絲颺前
津幽居掩荆扉風雨暗佳辰良儔不獲偕夢寐懷苦辛何時
駕扁舟一慰平生親

楊柳枝詞

昔折楊柳君遠行東風幾度不勝情何時寄向天涯去吹作
關山笛裏聲

史以徵

字靜庵甘泉貢生
官當塗縣訓導

夏日偶成

綠槐庭院晝方長消受冰盤沁骨涼江上雨來山色暗檻邊

風度藕花香新蟬抱葉吟高柳乳鳴浮波亂淺塘偶憇北窓
攤午飯便教風味傲羲皇

尤

蔭

字貢夫號水村儀徵布衣著出塞黃山等集羣雅
集云水村幼客都門禮親王愛其才延爲上客

世子汲修主人贈詩引袁子才家禹卿兩公爲
比推重至矣世謂趙康王之禮謝榛不是過也

古北口

忽作囊弓客關山得壯遊長城初飲馬大幕正椎牛雲濕天
含雨風高夜入秋行行重回首佳氣滿

神州

大獵恭紀

神武超千古

行圖御六軍龍旗翻塞月豹尾卷秋雲

雕逐金鎬落山隨鐵騎分草茅從

大獵也繫獮皮裙

阮撫部建曲江亭於翠屏洲上奉題二絕並寄王柳村

秋水涼生暑盡降一帆來話錄焦窓吾家半曲澄江畔遙想

孤亭枕曲江

翠屏洲上柳青青牛壁東南得此亭萬里江流亭下過有人
鸞嘯有人聽

閔

崧字于天
江都人

玉山卽事喜讀天谷和尚詩

江濱山寺好從遊烟景南徐屬早秋窗外蟬聯高樹響門前
風急大江流偶來信宿同錢起得讀新詩愛惠休更喜今宵
林際月二分依舊似揚州

賈寬生

字備光號栗
亭儀徵諸生

見月有感

去年見新月饑驅出里門今年見新月遊子思故園僕僕一
年中酸辛胡可言旅食寄茆庵晨夕鐘簪喧秋來渡黃河時

驚風浪翻途窮見舊交下榻欽陳蕃寒風西北來積雪徧荒
村鑿冰亦何厲歸計怯更番遙念高堂上菽水仗弟昆誰知
漂泊子趨庭祇夢魂一身嗟萍梗兒女安足論仰天發浩歎
青衫多淚痕

蔣富書

字萃東號石倉甘泉諸生

滕王閣

都督臨高會才人繫遠舟英名先四傑風景逼三秋酒化西
江水文傳帝子樓遺踪千古在雁陣入新愁

陳本禮

字嘉惠號素村江都監生著瓠室詩鈔素村居關
本尤多世以比范氏天一閣毛氏汲古閣馬氏玲瓏山
館余家文選樓云室有古琴是唐時物或有數千金購
之弗屑也子逢衡湛深經史之學
為名諸生著竹書紀年辨証精確

乙未花朝祀張石帆

憶昔高吟日蒼茫意獨沉無家悲歲晚垂老戀交深磊落平生志踈狂玩世心楚魂招不得盃酒向誰斟

過寶輪寺

蕭蕭蘿徑竹陰涼百畝田園古院牆出水菰苗交遠岸到門帆影落斜陽絕無人跡苔痕綠時有風吹麥飯香我本無心隨去住談經休爲散花忙

阮大中丞手書八分古通化里唐清平坊額二紙見貽

賦此以謝王王小村注素村先生於乾隆戊子在鈔關南

士劉某墓志銘劉彭城人客揚郡歿葬江陽縣清平坊通化里云云按郡邑志失載

貞元遺跡墓旁搜傳與人間字字道他日口碑紛道路可知

此地又千秋

袁慰祖

字律躬號竹室江都布衣著竹室集潘蘭如詩萃云竹室工畫善鼓琴詩格清逸如其人品士大夫

雖爭禮之而落落寡和惟江都王柳村最爲知己選其
竹室集梓之可以不恨矣柳村謂其乾坤毓我輩元氣
得以活十字可爲千古文人增價吳太史王松稱其詩
清蒼淡逸出入少陵昌黎余稱其詩爲長洲之冠客邪
上四十餘年
卒于董公祠

移妻子東行

曉發辭吳門悠悠思無極烟樹猶爲余蒼茫送顏色悲風西
南來鄉音渺悽惻行行逐孤雲畏途茲初歷一枝苟可安敢
憚百里客日色暝孤帆波搖衆星白

擬古

春風動林薄芳草被層臺臺高發哀響柱促絃歌摧桃李難
爲顏深情散飛埃翩翩雲中雁欲逝又重迴重迴竟如何感
子心亦灰

感悼

思君安有極觸處總成悲入夜月臨鏡當春花滿枝緣情珍
故物忍淚責嬌兒多少傷心事年來更訴誰

孤雁

天際孤飛雁哀鳴傍五更一聲殘夢醒十載旅魂驚辛苦原
同調艱難共此生念羣徒激切多恐轉傷情

重晤友人

性情水乳原相合飄轉其如踪跡踈烟月長違千里外風塵
小別十年餘到來白社空懷舊歸去青山未定居爾悴鞭絲
我帆影半生勞擾負琴書

病垂殆矣蒙王柳村許刻拙詩作此謝之

邗溝欣乍見垂死得知音患難無他物篇章是苦心淒風孤
榻冷落葉古祠深不有中郎識誰憐爨下琴

擬古

紅衣落渚蓮焰耀韜明光秋風入庭桂白露沾衣裳誰家急
砧杵使我心內傷心傷不可道夢裏關山杳鴻雁東南飛君
歸何不早

觀趙文敏書巴陵女子韓希孟絕命詞拓本

吾聞漆室處女倚柱之操鼻每酸今觀此書更覺惻惻摧心
肝黃袍破碎日月暗鼓聲不起孤城殘巴陵女子痛亦爾脫
身夜赴巴江湍可憐南宋止于此巾幗誠足羞衣冠遺詩幽
憤四十字至今血淚流行間魏公筆法振衰習當時未肯藏
名山天翼王孫燕不啄要使絕藝傳人寰精靈遠自卅載後
尙思舊業相援攀寸心不泯類啣石奈何東海浩瀚填難乾
吁嗟乎馬踐園葵事則已水晶宮址亦傾圯巴陵女子曾不

死

孫嘉樹

字叔子號夢餘甘泉監生著夢餘詩鈔羣雅二集云夢餘情真語摯不以雕鏤爲工本孝友發爲詞

章可風可感哲嗣手香嘗屬余選刻之

昔好行

昔好氣味同芝蘭今日滿懷成荆棘昔好千里恨睽違今日對面如不識昔好容易如昔時恐我富貴難驟得

除夕

除夕思游子京華歲月新老懷難戀別人意盡含春栢酒孫頻勸辛盤婦雜陳眼前有真樂知足敢憂貧

寄萼樓

汎汎真成不繫舟飄零又作海濱遊少年能幾日俱老芳草無多時已秋對我有情憐越鳥背人無語攬吳鉤漫嗟奔走

空皮骨意氣還同百尺樓

出門

出門兒無語抱膝鳴鳴泣入門兒歡迎牽衣呼母入

張鍾英

字壽賓號春疇江都貢生著百蝶軒詩稿

康山

經臺紫閣記遨遊聞說孤雲此地留世有中涓江
北闕天教遷客下南州百年雅會歌聲激一代才名
黨籍收剩有虛堂俯睥睨江城烟月使人愁

周

岷

字已山號潔夫江都人丹如子諸生著爾雅廣贊

送孫克其之呂四

送君一劍走風塵到處天涯有故人分手莫辭同輩酒
放舟休負異鄉春

焦

輪字蒲軟江都諸生著海樓遺
草子汝敷字德與工詩

夜坐

兀坐鼓清琴松濤自賞音爲貪涼夜月分照故園心蟲響依
危砌風高度遠砧揮絃餘興在不覺漏沉沉

王希方

字小石希
伊弟諸生

呈耕伯四兄

自註兄辛酉舉人截
取入都以終養辭

捧檄何如膝下歡家門樂事羨團圓清時甘隱非容易貧
士辭官始信難先志有人堪繼武高堂無恙應加殮名山事
業知逾大莫把蒼生袖手看

王斯惇

字友梅號心齋寶應人著聊存草君與喬儀
上中表又爲少林太師弟詩故超然拔俗

齒落

憶母衰年時嗜菱苦無齒曲意作粉供食之顧我喜今我落

其半動搖勢未已啟口防訛言晨沐愁漱水少食何足悲所
悲空陟屺

張永升

寶應人

春日遊焦山和陳滄洲先生

曉山過小院松色漢時青驚見周王鼎欣摩瘞鶴銘寶光留
古剎烟氣接蒼冥蘭若茶初熟僧閒話短亭

周

瑞字時若號杏邨監生甘泉人著葦海慈航集

題畫山居

城市厭囂囂塵機苦碌碌爭似山中居繞戶皆新綠柴門常
不關往來任麋鹿旣免交遊煩且登淳樸俗息機可延年探
山能健足吾有林泉癖恨無清閑福寫入畫圖看聊當遂所
欲

戴

潤號雨峰儀徵諸生著寶廉堂詩鈔種竹軒餘話南峰先生專以大厯十子爲宗才範以法情含於韻

溫潤自然

行路難

行路難豈必蠶叢蜀道難於上青天至戚擁貂蟬乞兒無人
憐朱門夾道目軒軒十扣一應何其賢君不見楊柳青青大
道邊一回春色一回妍嗚呼洛陽花事無時無處處春風啼
鷓鴣石崇如意碎珊瑚昔年豪富今何如人生出門多崎嶇
何如閉戶高歌一簞一瓢守窮廬

懷史立方

卜築東臯外臨流處士家人來三徑月門閉四時花命酒狂
宜舞設碁靜不譁最憐交道古一別幾年華

顧麟瑞

字芝衫毛弟貢生

和阮梅叔鴛湖秋泛

湖水茫茫蕩素秋鴛鴦飛去不勝愁
木樨香動人初醉楊柳風多雨未收
十里天教留畫本一竿我欲寄漁舟
櫂歌聲裏征帆速鷗鷺年年說勝遊

顧

煒

字仲光
如皋人

李倚江家虞功道經西冷雨集話舊晚卽渡江

故人千里至短棹歇楓林不意纔攜手
翻增惜別心層雲迷嶺暗落雁聚沙深
爲問年來事羈愁總不禁

李

勅

字天敘
興化人

履冰行

履冰行墮冰死前人雖墮後不止嗟彼小民
愍不畏死匪不畏死家有婦子

李

葉

字倚江興化人

無錫道中

薄暮來吳地孤舟泊水灣
酒甯搖碧浪松勢引青山
風送歌聲杳八穿花徑還起看雲外塔渺渺未能攀

蕭

霖

字雨峰號曙堂江都人乾隆丙子舉人官普寧知縣著焚餘昆海等集大令治雲川三載弊絕風清

獄無一囚罷官後貧不能歸袁蘇亭以其集寄王柳村選訂柳村與江部郎元卿付之梓元卿謂其詩氣體雄峭詞旨正大足與施太常相埒

斷鍼吟爲李晴山太夫人作

一寸鍼貞婦節

解一

一寸鍼慈母心

解二

手穿鍼淚淡淡夫已歿

兒未成

解三

課我工佐兒讀吾伊聲當痛哭

解四

更鼓絕鍼屢折

兩眼花十指血

解五

慈母血孝子血慈母心孝子心啟故筐淚

盈衿君不見斷鍼吟

解六

題譚桂嶠明府平傀儡山賊記卷後

傀儡山賊倡黃教恃女番目泠泠勢屢欲爲亂會公
令鳳臺威德並行潛伏不敢動公任滿北上賊遂結
泠泠侵擾村寨煽甚張當事者檄公半道回溫諭泠
泠使教賊自殺泠泠許諾遂誘賊入骸之以獻傀儡
山平事備載記內公嗣君掄回官滇中特示余因題
卷後

德厚賊亦民德涼民亦賊跼蹐非不仁撫馭乖厥職懿哉譚
夫子秉心素淵塞雖慈亦傷柔雖清不近刻風行化庶頑見
早消羣慝一朝離襁褓萬夫弄荆棘刀光照海門篝火熏山
黑僉曰已亂離非公孰爲力羽檄馳召來免冠令相識諸番
巡馬拜帖耳安反側恩深浹巾幗計定驅鬼蜮渠魁已就駢

羣賊皆屏息歡聲徧八閩海天現晴色公去賊勢騰公來賊
烽熄去來只一身治亂關一國告爾守土者爲政在有德

雲州雜詩

晨興親吏牘落筆埽紛紜署冷如蕭寺官清似廣文銀鐙宵
寂寂

國無罪人者三年

鳥雀日欣欣偃室何人至狂歌向白雲

將有回滇之信施太常小鐵以詩送行次韻

桑梓家何在南行卽當歸秋風吹皓髮別淚灑征衣脫網魚
驚逝傷弦鳥倦飛惟餘知己念萬里夢依稀

陸與齡

字夢九泰州人
督學吳州子

春宮詞

別院笙歌攪夢魂梅花樹底怨黃昏北枝未發南枝發一樣
春風兩樣恩

陸

興字公車號雪
樵江都人

九日和杜

登臨每覺旅懷寬
眼底雲山集古歡
雙髻風塵彈短劍
五陵車馬笑南冠
秋歸落葉旋空舞
露滴疎花帶影寒
却喜中庭初日起
停盃猶作幾回看

石

椿字大年儀真諸生羣雅集謂其篤于友誼著懷
人詩百首纏綿排側令讀者輒動黃蘆之感

懷史恭儒

十二年前憶舊遊
漁燈江月共悠悠
人生不合頻離別
此後相逢恐白頭

懷楊澹泉

莫笑揚雄善解嘲
槐花秋雨正瀟瀟
分明記得分攜處
瓜步西風送落潮

陳志繹

字衛公泰州人
著自怡堂集

送包瑤昆之吳門

知君久已歇風塵涉世何須逐要津
忽挂征帆離野岸幾時把盞聚同人
鯨濤亂擁空江月燕子猶飛故國春
酒社詩壇還努力誰云艸澤有閒身

夏

宏字任遠
江都人

與某大令集傍花村

傍花村裏花如雪撲席浮觴二月時
莫向伶人爭畫壁雙鬟都唱使君詩

鍾

岱字泰青錦州
人江都籍

送汪山涵移居虎墩

三年把臂同邗水九月移家去虎墩
正是河梁增話別那堪

風雨近黃昏

周以忠

字端臣江都蒲坂人

王鈞斜

太業當年憶歌舞廿四橋頭雜簫鼓
司花來夢劇承恩珠簾十二香如雨
殿角縱多歡幸人妝樓詎少含顰女
迢迢宮女望如天寂寂銀河愁自語
生憎薄命輕如絲零落金鈿等閒死
螢火飛飛照野阡傾城埋向雷塘土
沈水烟消睂井寒屏山隔斷鴛鴦浦
吁嗟乎西郊寂寞野棠花莫怨蕪城作帝家
唐陵漢寢今何處日暮空林噪亂鴉

沈

霞

字碧玩一字錕園如皋人年將三十忽棄家去或云溺死燕子磯下邑人鑲金刻其詩名碧玩詩鈔

聞京江吳寶鋒舉孝廉與詩人蔣汝圃同寓一樓寄懷
日日江流接海流春寒未得解羊裘遙知郡國無雙士近與

詩家共一樓入夜分箋燈並月盈樽有酒債無愁何當買棹
尋前約一臥平山直到秋

韓

釗字敬康號春山儀徵人性孝友有隱德與秦西
岩張松坪友善子承祖衛勲孫容德皆諸生

元旦述懷和阮宜廷

金堂韻

浮生如夢莫蹉跎守歲心情托短歌垂老難將除夜別侵晨
又悔一年過門無剝啄塵紛少貧共妻孥樂事多瑞靄氤氳
梅萼放春光先已到巖阿

吳鵬孫

字蒼厓儀徵人乾隆丁酉
舉人著叢綠山房遺稿

客中書感

文章何處立功名忽忽飄零過半生失意逢人矜曠達少年
如我負聰明秋殘楊柳寒鴉影月冷蘆花旅雁聲憔悴形容
江上客西風滿地太無情

丁

御字聖執儀徵布衣著江上草堂集裔孫兆鶴諸生工詩善鼓琴

鄭板橋畫蘭見貽

兩地關情臭味同生綃一幅寄春風美人哀怨才人筆都在
離騷一卷中

夏廷英

字祁階號伊園高郵諸生著伊園詩存朱海門云鄂文端試揚州拔伊園為第一人弟之蓉廷芝皆所成就遊京師名公卿爭以禮交性孤介不諧俗工詩同里王文肅稱為篤學君子

寄五兄

慈親強飯能供膳稚子恒饑尙飽書我更一竿新製得年菰
學釣五湖魚

葉士珍

山陽籍寶應豐樂莊人高虞卿云布衣九歲工詩十六歲卒世以才鬼目之

擬張文昌送遠曲

離筵置酒花簇簇怕唱折柳陽關曲一杯且共故人持明日

孤客親童僕短亭車馬長亭路勸君痛飲留君住北風動地
關山寒落葉蕭蕭君竟去

丁芳

字淑亭御弟諸生
著愛江草堂蘭補

爲姚蓋浦先生

龍光

作蘭花中幅

品原絕世情偏浚香不騎人性自疎欲舉素心問宗測聚芳
圖上有曾無

野鹿食殘碗上葉春至依然花又生折取一枝贈彼美素莖
含笑若爲情

周

儀

字儀一號晚
耕江都人

費葦自成都歸攜草堂石刻杜少陵像集同人拜觀共

賦

成都詩老來故鄉手攜一卷松煤香開緘獲瞻子杜子遺像

蕭穆生幽光飯顙之嘲殊不爾高顙廣顙神清揚範金絲繡
曷足貴片石摹刻同珠琅憶昔青騾蜀山走拾遺麻襪衣露
肘老臣扈蹕萬里從豺虎縱橫龍在藪草堂寄跡何窮孤憂
時憤俗詩千首杜鵑再拜陳苦詞却與離騷同一手君家詩
律法少陵誦法時時不離口瓣香從此得神交俎豆斯圖傳
不朽

仲耀政

字荔亭
如皋人

懷西垞舍人

老矣胡中翰飄零我獨愁白頭猶作客青眼憤登樓醉過眠
花夜吟殘落帽秋大江南共北何地足勾留

張康衢

字垣階寶
應諸生

繼章圖

過橋人跡少一徑入溪斜出岸圓新荻柴門掩落花奚童閒
汲水幼女學鋤瓜坐覺塵囂遠晴天卷片霞

汪聖清

字問源
儀徵人

新秋程氏荷亭分韵

館宇無多地

時廉風下
榻于此

幽偏記曲廊花香和露淨水氣入秋

涼路有重闔隔來須一葦杭壺觴况隣近委巷指垂楊

謂莫亭

徐觀政

字憲南號湘浦如阜人官浙江鹽運副使王小村
云先生家有鬻峯園花去歲時以爲水繪園之亞

子珠號德
泉工詩

池上作

息影栖衡茆起居近衰老一亭任利跣塵榻清風掃葺我五
株柳鋤我三徑草寥落息倦羽啁啾厭羣鳥望歲爲指繁飲
河期腹飽苔磯任醉眠池月澹林杪

遊焦山

老樹助秋色蒼山擁畫陰
隼摩峰日淡豚拜海潮深
境險天難闢霜高景易沉
此間好岩穴自有出塵心

喬人儀

字羽吉號鳳
齋寶應諸生

邗江雷狄山留宿齋中

暫解征鞍得少休一樽相對數更籌
狂如阮藉誰青眼病似潘安早白頭
淚盡窓前殘蠟燭寒侵身上敝貂裘
傷心豈獨君飄泊我亦烟波似泛鷗

江

澧

字佩蘭號蘭
谷江都諸生

睡燕

金猊香島霧濛籠
海燕慵飛怯倚紅
將子有情棲夜月
戀巢無力翦東風
掠餘花蕊春知困
捲到湘簾夢已空
雙影和雲

剛入抱芳茵依約悄魂通

陳

桂

字鵬芳號沛舟高郵人貢生著問樵集

飲平寧泉

爲訪名泉屐未閒綠天深處敞柴關春風暖送幽禽語一帶

夕陽窓外山

管夫人畫竹

誰寫檀欒生意幽烟姿雨態弄輕柔墨花不用湘江淚已是

蕭森滿目秋

夏杏春

字綺亭號崔羣高郵人乾隆辛酉舉人著培軒草王又村云綺亭幼從叔之恭究經傳屬文章登賢

書後十上公車屢薦不售事母盡孝母沒遂絕意仕進

白田王希伊贈詩云自開蔣氏三三徑不上桓公九九

書卒年六十二

咏菊

涼堦幽徑擬山家風透疎籬菊已花恬淡耻干春富貴孤高
愛吸晚烟霞曾隨逸老開三徑又傍清流說九華不必白衣
頻送酒依稀五柳數枝斜

汪文錦

字繡谷甘泉諸生王又村云繡谷
工詞精鐵筆畢公秋帆器重之

快園雅集

勝地饒餘韻庭開一徑幽風流人雅望萍水客來遊雨過花
逾艷琴張座有秋快心于此得觴詠足相酬

汪元長

字敬堂江都諸生著青遊草韓錦仙云敬堂
少承其高祖舟次家學兼工書卒年八十三

十載郇瑕始成歸計八月初三日偕兒子同南

漂萍踪跡滯天涯故我依然感歲華才似醯雞從覆甕身如
梁燕便爲家一尊客舍吟朝雨半畝寒香負菊花

同人於雨
中相送

多謝故人情繾綣幾番回首路三鵬

石泉驛

步步成邱壑行人應接難翠屏春草合丹嶂夏雲寒欹石帶危樹野風吟細湍愛看山色好幾度駐征鞍

黃

觀字用賓號窳亭一號鷗社寶應人

舟夜

已涉世情險今歌行路難潮回孤枕夢月照大江寒淚下猿聲切魂銷燭影殘歸期猶未定明發過江干

吳

鵬號南池如阜人官漢陽縣丞南野堂筆記南池攝漢陽尉中丞惠公留幕下嘗奉檄至黃梅密訪一

事易裝賣卜者忽一人謂之曰君之相不類得非現任官耶詢之則曰明日來明日仍至其處其人果來張手示之聯云尚書閣下吟詩吏黃鶴樓頭載酒人曰君風度頗似此否且告凡仙言某日某官以某事來某處與汝有相見緣故特蹤跡耳十四字昨日所書仙句也概括南池半生出處可當小傳

登黃鶴樓望鸚鵡洲

此地登樓意渺然羽人詞客至今傳才難入俗偏遭妬詩但
能工亦可仙終古浮雲當落日春來芳草又含烟題鸚鵡跨鶴
渾多事不及眠鷗江水邊

送陳寄吾別駕回保陽任

此地更難約歸裝貧可知囊輕留鶴俸案積看山詩彼土歌
來暮斯民願去遲那堪故人意風雪黯將離

凌惟寅

字贊廷號子畏通州諸生

蒼烟亭

賣魚灣信國渡海處周子少恬擬作亭于其上取公魚父釣蒼烟之句也

思古鬱幽情遺跡半已墮吁嗟蒼烟亭周子胡不果憶昔文
文山渡海厯坎坷哀吟漁父詩寒烟沒素舸我來買鰕浦碧
血化燐火因之泣忠魂以酒澆磊砢何當結構成相與含悽
坐邈然想前賢渡頭烟雨鎖

顧鳳彩

字霞儀號羽皇如
舉人著蘇門集

同昌公履仲兄異羽集奈宛駒宅

十年兄弟隔林邱空憶蘭亭少長遊今日故園同把酒半簾
紅雨坐江樓

湯

邢

字次郊號葑房寶
應人著葑房詩鈔

送宮霜橋遊淮上

秋氣亦云肅關河阻且長半生多作客今夕又他鄉水濶雁
初下天空月更涼前途無限意相與寄微茫

周景昌

號陸舫通州諸生與李漁衫江片石商榷風雅亦
海上詩人之矯矯者王柳村嘗誦其殘書句云偶

然檢點仍今日強半飄零
似故人之何由是知名

竹秋軒坐月

西南月出光娟娟殘雪着花清可憐更闌燈施客不散移席

復坐茅堂前一輪又逐歲遷變如人久別初相見關山萬里
無點雲香霧清輝成一片東家閉門人畏寒但願眠去夢中
看西家主人醉歌舞銀燭華堂競簫鼓惟餘我輩日徘徊百
年三萬六千回沽酒不愁黃金盡對鏡不受白髮催昨夜空
庭耽寂寞片月自生還自落今夜月中攜手行碧水丹山恣
酣樂樂不可極將奈何東方一白人事多

古柏

高山成獨立終古不凋傷日夜此風雪乾坤汝棟梁層陰移
夕照空翠落深堂應笑疎林裏紛紛墮葉黃

得江黃竹書

模糊老眼淚縱橫無那揚州月最明仙桂欲憑秋信問客愁
知與藥囊輕殘燈裏團兒女短鬢天涯托弟兄漫道江南

詞賦滿可憐蕭瑟自平生

懷徐臥雲病中

千里烟波返故關呻吟兩月枕衾間人逢疾病妻孥好金盞
風塵藥石慳應有新愁生白髮幾多舊夢落青山何時扶杖
斜陽裏話破空庭草色閒

殘書

蠹死螢乾委積塵破窗風雨更頻頻偶然檢點仍今日強半
飄零似故人斷劒孤琴同况味青燈白髮倍酸辛有時病起
支筇出擁坐猶餘未了因

秋水

西風送冷雨初晴衣帶遙含不斷情路入江湖應更濶天垂
河漢與同清半灣雲捲孤帆影一鏡波涵落葉聲偶向釣魚

磯下立羨他閒泛白鷗輕

聞雁

萬里經年斷尺書一聲何處恰愁予
西風落葉沈波後孤館昏燈到耳
初旅食逢秋梁稻少驚魂趁夜網
羅餘遙憐天末呼羣急兄弟人間較爾疎

陳十村招同江黃竹集聽漁館

江湖剩得幾閒鷗感舊重尋別館秋
三逕有花霜信早十年無字雁聲愁
地饒野處臨滄海人戀窮交到白頭
萬事浮生均莫問坐殘紅日聽漁謳

喬木山房送江黃竹

對花莫惜酒頻傾小住難酬久別情
善病幾憊孤鶴影苦吟如蒼斷鴻聲
風前黃葉催衰景夢裏青山重舊盟
回首亂烟

荒草路又吹橫笛下江城

菜花

花繁陌上密層層暖日香招亂蝶尋不信英雄全減色可憐
饑饉總關心往來有路孤村遠開落無人閉戶深買盡年年
春李笑東風垂地散黃金

田

琳字林玉號鶴舫泰州諸生著鶴舫詩鈔王又村云
鶴舫詩品行誼皆挺拔過俗與宮國苞仲振履鄒
熊葉兆蘭羅克俊周照結
芸香吟樹海陵風雅賴之

金陵寓樓友人留飲

銜泥來訪舊柴門長板橋頭柳半髡雨後虹如才子氣月中
花是美人涼重提往事經三載共趁新涼撥一尊沈醉只愁
歸路晚鷺峯鐘鼓報黃昏

送友

客中情好正依依又理征帆掛夕暉身似落花留不住與春來亦共春歸

送梅芳亭

少長西川客大梁無端萍梗又維揚今朝又作維揚別何處他鄉是故鄉

吳士棠

字藝南甘泉人著愛甘棠遺稿蔭南少與閔玉非玉荔亭蔣秋涇陳竹町相唱和

秋夜聞笛

萬籟一以寂天涵月露清梅花落何處玉笛起江城銀漢當窗迥飛鳥繞樹驚坐憐秋正近獨客若爲情

汪光燾

字晉藩號芝淵儀徵諸生

題阮仲嘉臯亭探梅圖

我昔曾來浙水涯寒梅未訪臯亭花今之圖畫無乃是夢裏

臥遊應不差仲子詩清自情發王郎老筆共橫斜何時再跨
南飛鶴一往餐英當嚼霞

翁

磊字岱瞻
泰州人

送秋浦胡崇娘歸里

哀妾自有夫何爲流異域楚軍本橫威非妾美顏色遙睇見
故山不敢覓消息夜寂訴幽怨有客潛然惻告我東海守殷
勤卹孤跡嗷嗷西北飛黃鵠奮歸翼飄零非舊容羞郎還辨
識問我別來愁淚落不可拭

顧道含

字同東
通州人

贈陳西湄

嶽嶽陳生美丈夫當年豪氣動江湖仙人曾授降龍砭文士
爭題種杏圖三尺醉歌還掌劍千金立得指懸壺憐余落拓

多霜髮風雨時嘗喚酒徒

陸

愚字大阜
興化人

過淮陰

片帆流水急一飯過淮陰
野浦明漁火孤村響暮砧
垂頭驚白髮報德豈黃金
國士窮途恨誰憐淚滿襟

蘇爲烈

字武功號匹
三如阜諸生

望四男觀不至

剝啄聲聲急開門却又非
書從前日至汝合此時歸
薊北山河壯江南朋舊稀
眼穿當落日不禁淚沾衣

郭元鉦

字乾爲號孺齋江都貢
生元鉞兄著孺齋遺稿

次淮陰

荒城斷岸無完屋積水寒
烟見遠村又有釣臺遺址
在柁樓

風雪憶王孫

寄于宮

三年無復對床歌
風雨蕭蕭醉裏過
白髮漸衰顏易變
相逢不識定如何

黃咸瑩

字光翼儀徵人
官太湖訓導

書懷

丈夫無雌雄時運有通塞
一身隔青雲兩手滿荆棘
馬周困長安逆旅人不識
飲酒濯兩足行路悲偏側
所遇良不遇老作候門客

韓

鈞

字宏聲儀徵人諸生

偶吟

命薄途窮生計踈
稜稜豪放倍增攄
欲將身置浮雲外
寧畏

家空僧石儲縱我無心逢得意是誰有眼識相如研硃靜誦
義文句碩果終須慶得與